

Trgovac pojedinac - Kako se registrovati?

O B A V I J E S T

U skladu sa članom 11. Zakona o unutrašnjoj trgovini ("Službene novine Federacije BiH", broj: 40/10 i 79/17), trgovinu na malo može obavljati i trgovac u svojstvu fizičkog lica, ali samo u jednom prodajnom objektu, odnosno na jednom prodajnom mjestu, kao i trgovac u svojstvu fizičkog lica koji ličnim radom obavlja trgovinu na malo određenom vrstom robe na osnovu rješenja nadležnog organa i to samo na jednom prodajnom mjestu izvan prodavnice (na štandovima, stolovima i u boksovima na tržnicama na malo, na štandovima i stolovima izvan tržnica na malo, putem kioska i pokretnom prodajom).

S tim u vezi, obavještavamo Vas da ste u cilju zakonitog obavljanja djelatnosti trgovac pojedinac da poduzmete sljedeće radnje:

1. **Sklopiti Ugovor ili Predugovor** sa organizatorom pijace ili dobivanje dozvole za postavljanje prodajnog mjesta na javnoj površini.
2. Podnijeti zahtjev za izdavanje **odobrenja nadležnoj općinskoj službi**, prema mjestu grada, izuzetno za pokretne trgovce prema mjestu prebivališta.

POTREBNA DOKUMENTACIJA :

- Uvjerenje o državljanstvu (Matični ured)
- Uvjerenje o prebivalištu (CIPS)
- Potvrda o poslovnoj sposobnosti (Centar za socijalni rad)
- Ugovor ili predugovor sa organizatorom pijace ili Odobrenje iz tačke 1.
- Svjedodžba o školskoj spremi (minimalno osnovna škola)
- Ovjerena izjava da nema osnovanu trgovačku radnju ili svojstvo trgovca pojedinca
- Potvrda o nepostojanju zabrane obavljanja trgovačke djelatnosti (Općinski sud)
- Liječničko uvjerenje (sanitarna knjižica samo za trgovce prehrambenim proizvodima)

3. **Izraditi pečat.** Pečat mora sadržavati podatke iz Rješenja izdanog od strane nadležnog općinskog organa
4. Po preuzimanju rješenja/odobrenja za rad, potrebno je u roku od 5 (pet) dana, obratiti se **Poreznoj upravi F BiH, Kantonalnom poreznom uredu - Odsjeku za registraciju**, prema mjestu rada, izuzetno za pokretne trgovce prema mjestu prebivališta, kako bi se dobio identifikacioni porezni broj.

POTREBNA DOKUMENTACIJA

- Popunjen obrazac POR - 503
http://www.pufbih.ba/v1/public/upload/obrasci/bb2ce-obrazac-por-503_bos.pdf
- Odobrenje nadležne općinske službe (kopija uz original na uvid)
- Ugovor o vođenju računovodstvenih poslova samo u slučaju kada poslovne knjige vodi drugo pravno ili fizičko lice i kad postoji obaveza vođenja poslovnih knjiga (ovjerena kopija ili original)
- Ugovor ili predugovor sa organizatorom pijace - kopija
- Identifikacioni dokument podnosioca zahtjeva (na uvid) ili punomoć za podnošenje obrasca za punomoćnika (original ili ovjerena kopija)

5. **Prijava za razvrstavanje djelatnosti** podnosi se nadležnoj službi Federalnog zavoda za statistiku na obrascu "Prijava za razvrstavanje po djelatnosti poslovnog subjekta ili dijela poslovnog subjekta (obrazac RPS) u roku od 7 (sedam) dana od dodjele poreznog broja.

POTREBNA DOKUMENTACIJA

- Uvjerenje o registraciji poreznog obveznika
- Rješenje nadležnog općinskog organa - kopija
- Popunjen obrazac RPS ovjeren pečatom trgovca.

6. **Prijava trgovca pojedinca u Jedinствeni sistem registracije doprinosa** se vrši u Poreznoj upravi Federacije BiH, i to u poreznoj ispostavi prema mjestu nadležnog organa koji je izdao rješenje

POTREBNA DOKUMENTACIJA

- Rješenje nadležnog općinskog organa - kopija
Popunjen, ovjeren i potpisan obrazac JS 3100
- Uvjerenje o poreznoj registraciji

7. Kako bi trgovci pojedinci ostvarili pravo na lični odbitak potrebno je da predaju zahtjev za izdavanje **porezne kartice** (Obrazac PK – 1001)

http://www.pufbih.ba/v1/public/upload/obrasci/6fea6-pk_1001_bs_int2.pdf

nadležnoj ispostavi Porezne uprave Federacije BiH

8. Otvoriti **račun** u poslovnoj banci;

POTREBNA DOKUMENTACIJA

- Lična karta - kopija
- Potvrda o prebivalištu - CIPS
- Rješenje nadležnog općinskog organa - kopija
- Obavijest o razvrstavanju djelatnosti - kopija
- Porezni ID broj - kopija

9. Trgovcu pojedincu je omogućeno paušalno plaćanje poreza na dohodak u iznosu od 70,00 KM. Porezni obveznik je u obavezi da vrši obračun i uplatu doprinosa za osiguranje za sebe najkasnije do 10-og u mjesecu za prethodni mjesec, uz podnošenje Specifikacije za uplatu doprinosa poduzetnika (Obrazac 2002). Osnovica za samostalnu djelatnost trgovca pojedinca je 381,00 KM (za 2018.godinu), a na istu se primjenjuju slijedeće stope:

- 23,00 % za penzijsko i invalidsko osiguranje,
- 16,50 % za osnovno zdravstveno osiguranje,
- 2,00 % za osiguranje od nezaposlenosti.

10. Prema Pravilniku o obliku, sadržaju i načinu vođenja trgovačke knjige ("Službene novine Federacije BiH", br. 91/15, 97/17 i 3/18) trgovci pojedinci nisu dužni voditi trgovačku knjigu na malo.

11. Trgovci pojedinci **nisu obveznici fiskalizacije**.

U skladu sa Zakonom o Poreznoj upravi Federacije BiH („Službene novine Federacije BiH”, broj: 33/02, 28/04, 57/09, 40/10, 27/12, 7/13, 71/14 i 91/15) za fizičko lice koje prekrši bilo koju proceduru registracije kod Porezne uprave prema Poglavlju VI. Zakona ili koje se ne registruje na vrijeme bit će kažnjeno novčanom kaznom u iznosu od 200,00KM do 2.000,00 KM.

POREZNA UPRAVA FEDERACIJE BIH